

Surat Terbuka

Penulis Yang Mencemarkan Kesucian Islam

dan Sahsiah Orang-Orang Melayu

Dalam majalah "Mastika" keluaran Disember 1959

yang lalu, tersunting sebuah makalah bertajuk "Konsep

orang-orang Melayu perlu diubah", ditulis oleh saudara

Ismail Ali. Dalam tiap-tiap baris makalah itu kita

dapati kata-kata yang telah keluar dari landasan Islam!

Tulisan yang jauh dari kebenaran! Tulisan yang tidak

berasas kepada ilmiah! Tulisan yang semata-mata mengikut

nafsu kejahilan tentang hakikat Islam!

Sebagai mahasiswa Islam saya rasa wajib

memperkatakan soal ini kepada masyarakat amnya dan

kepada ulama-ulama khasnya, supaya pembasmian buta agama yang

sedemikian ini mestilah dijalankan dengan seberapa segera.

Kepada penulis Ismail Ali saya berkata: Kalau

saudara sendiri buta dalam hal agama jangan lupa

saudara cuba-cuba memperkatakan sesuatu yang menyentuh

kesucian Islam atau menulis satu perkataan oleh-oleh

yang saudara sendiri jahil tentang itu.

Saudara Ismail Ali mengatakan: "Fanatik

terhadap agama inilah yang boleh menyebabkan orang-orang Melayu

lemah atau tertinggal dalam lapangan pelajaran tinggi."

Saudara Ismail Ali selama ini memandang Islam

itu hanya sebagai alat atau kuasa pemikat manusia ke arah

kemajuan tinggi, ini sudah terang-terang saudara Ismail

menentang Islam, menentang ayat Allah, seterusnya menentang Tuhan.

Saya rasa Ismail Ali perlu mengucap

kalimah syahadah. Setiap muslim dikehendaki bertaksub

atau berfanatik kepada agamanya, fanatik kepada agama dalam

erti kata yang sebenar-benarnya, bukan seperti fanatiknya

saudara kepada pelajaran tinggi di sekolah Inggeris

itu. Bukanlah Islam satu agama yang dipegang-pegang ekornya

sahaja.

Setiap Muslim yang mengaku beragama Islam mestilah

dia muslim dalam segenap segi, sama ada di segi

perbuatan, kelakuan, perkataan dan gerak-geri! Bukanlah

mencukupi dengan Islam baka seperti yang saudara

kehendaki.

Dalam tulisan saudara ternyata benar sudah

bertentangan dengan ajaran Islam, tegasnya ajaran Tuhan

seterusnya tataplah tulisannya yang janggal itu:

"Mereka paling fanatik dalam hal agama mereka.

Agama dijadikan matlamat pertama dalam cita-cita hidup

mereka. Soal agama mesti didahulukan dari perkara-perkara

yang lain. Mereka rela mati kelaparan kerana agama mereka

atau mereka sanggup membiarkan anak-anak mereka buta

huruf untuk kepentingan agama. Pendek kata konsep

yang terlalu fanatik terhadap agama inilah yang boleh

menyebabkan orang Melayu lemah atau tertinggal dalam lapangan

pelajaran tinggi."

Dari sudut tulisan saudara Ismail Ali,

saya dapat menyelamat bahawa beliau seorang yang telah menentang

Islam dan Tuhan, anti peradaban Melayu dalam segenap

seggi. Ia mengajak umat Melayu seluruhnya ke arah mencipta satu dunia baharu bebas yang tidak siapa dapat menahan dan mengongkong lagi.

Saya dapat mengertikan juga, dari tulisannya ternyata penulisnya seorang yang banyak membaca buku-buku agama, tetapi sayang bukanlah buku agama Islam yang dibacanya itu malah ialah buku-buku agama Kristian, Buddha, Hindu, Majusi dan lain-lain agaknya. Atau barangkali penulisnya sering membaca buku-buku yang ditulis oleh pujangga-pujangga barat tentang Islam!

Saya menolak seratus peratus tentang apa tuduhan-tuduhan yang telah dibuat oleh Ismail Ali itu. Orang Melayu dituduh oleh penulis itu bilangannya hampir-hampir 90 peratus katanya termasuklah datuk nenek saudara Ismail Ali sendiri agaknya. Agama yang dimaksudkan oleh penulis itu tak lain lagi ialah agama Islam, kerana orang-orang Melayu seluruhnya beragama Islam. Islam memang menyuruh penganutnya berfanatik kepada agama, Allah menyuruh hamba-Nya berfanatik kepada Islam, kerana selain daripada agama Islam tidak diakui Tuhan. Firman-Nya:

“Inna al-dīnā ‘inda Allāhi al-Islām”, firman-Nya lagi:

“Wa man yabtaghi ghayra al-Islāmi dīnan fa lan yuqbala minhu.”

Selain daripada agama Islam tidak diterima sama sekali.

Seorang muslim mestilah berjiwa agama tulen, mestilah Islam dalam segenap segi hidup, bukan Islam pada nama dan baka sahaja. Di antara lain ia menulis: “Agama dijadikan matlamat pertama dalam cita-cita hidup mereka”. Ya! Orang Islam yang sebenar-benarnya itu, agama-Nya memang dijadikan matlamat hidup mereka, kerana mereka datang ke dunia ini adalah selaku hamba-Nya patuh di bawah perintah Tuhan dan menjunjung agama

Tuhan dalam firman Tuhan yang berbunyi: *“Inna ṣalātī wa nusukī wa maḥyāya wa mamātī lillāhi rabbi al-‘ālamīn.”*

(Sesungguhnya sembahyangku, ibadatku, hidupku dan matiku kerana Tuhan pemelihara seluruh alam). Orang Islam mempunyai matlamat dalam hidup mereka – bukan seperti hidup haiwan hanya makan minum , tidur, berkelahi bercakaran dan memuaskan nafsu sedang matlamat yang besar sekali dalam hidup ialah menjunjung titah perintah Tuhan dalam agama Islam. Di antara lain-lain katanya lagi: “Soal agama mesti didahulukan (oleh mereka – P) dari perkara-perkara yang lain.” Tidak syak lagi kalaullah kita telah berani menjadikan nombor dua atau mengenepikan soal-soal agama berertilah pula kita telah membelaangkan ajaran Allah dan telah berani mengubah matlamat hidup yang pertama kita datang ke dunia. Ini samalah sahaja dengan munafik-munafik yang mengaku di luar tetapi manakala di belakang adalah musuh ketat dalam Islam.

Lebih lanjut ia menulis: “ Mereka sanggup, membiarkan anak-anak mereka buta huruf untuk kepentingan agama”. Di sini nyatalah kepada saudara-saudara Muslimin! Bahawa setiap anak Melayu yang tidak bersekolah Inggeris itu adalah buta huruf. Setiap pelajar agama itu buta huruf, seterusnya setiap ibu dan bapa yang tidak mengantarkan anaknya ke sekolah Inggeris, itu adalah bererti ibu dan bapa membiarkan anaknya buta huruf?

Demi sebelum membuat satu-satu tuduhan atau oleh-oleh untuk dikemukakan ke tengah-tengah masyarakat perlu sekali saudara secara dekat, menyelidiki dengan mendalam berdasarkan kenyataan ilmiah yang tidak fanatik kepada satu-satu anasir yang kotor!